



正方一百十三道○諸方之義本條註內已經疏明者此不復贅

桂枝湯

桂枝三兩

芍藥三兩

甘草二兩

生薑三兩

大棗十二枚

右五味㕮咀以水七升微火煮取三升去滓適寒溫服一升服已須臾飲熱稀粥一升餘以助藥力溫覆令一時許遍身熱熱微似有汗者益佳不可令如水流漓病必不除若一服汗出病差停後服不必盡劑若不汗再服依前法又不汗後服小促役其間半日許令三服盡若病重者一日一夜服周時觀之服一劑盡病證猶在者更作服若汗不



出者乃服至二三劑禁生冷粘滑肉麪五辛酒酪臭惡等物。

此方專主衛受風邪之證以其衛傷不能外固而自汗所以用桂枝之辛發其邪卽用芍藥之酸助其陰然一散一收又須甘草以和其胃況發汗必須辛甘以行陽故復以生薑佐桂枝大棗佐甘草也但方中芍藥不言赤白聖惠與節庵俱用赤孫尚與叔微俱用白然赤白補瀉不同仲景云病發熱汗出此爲營弱衛強營雖不受邪終非適平也故衛強則營弱是知必用白芍藥也營旣弱而不能自固豈可以赤芍藥瀉之乎雖然不可以一律

論也。如太陽誤下而傳太陰，因而腹滿時痛，則當倍白芍補營血之虛。若夫大實者，必加大黃。又宜赤芍以瀉實也。至於濕熱素盛之人，與夫酒客輩，感寒之初，身寒惡熱者，用桂枝湯，即當加黃芩以勝熱，則不宜白芍以助陰。貴在臨證活法也。○按桂枝入心，血藥也。而仲景用以治風傷衛之證，麻黃走肺氣藥也。而仲景用以治寒傷營之證，皆氣病用血藥，血病用氣藥，故許學士有脉浮而緩，風傷營，浮緊兼濇，寒傷衛之誤。殊不知風傷衛則衛受邪，衛受邪則不能內護於營，故營氣不固而自汗，必以桂枝血藥透達營衛。又須芍藥護營固表。

營衛和而自汗愈矣。寒傷營則營受邪。營受邪則不能外通於衛。故氣鬱而無汗。必以麻黃氣藥開通腠理。又須桂枝實營散邪。汗大泄而鬱熱散矣。
小建中湯

桂枝 三兩

芍藥 六兩

甘草 二兩

生薑 三兩

大棗 十二枚

膠飴 一升

右六味以水七升煮取三升。去滓內膠飴更去微火消解溫服一升。日三服。

按桂枝湯方中芍藥桂枝等分。用芍藥佐桂枝以治衛氣。小建中方中加倍芍藥。用桂枝佐芍藥以治營氣。更加膠飴以緩其脾。故名之曰建中。則其

功用大有不同耳

桂枝加葛根湯

桂枝 二兩

芍藥 酒洗 二兩

甘草 炙 二兩

生薑 切 三兩

大棗 枚 十二

葛根 四兩

右六味以水一斗先煮葛根減二升去土沫內諸藥煮取三升去滓溫服一升覆取微似汗。

桂枝加桂湯

桂枝 五兩

芍藥 酒洗 三兩

甘草 炙 二兩

生薑 切 三兩

大棗 枚 十二

右五味以水七升微火煮取三升去滓適寒溫服一升若一服汗出病差停時服。

燒鍼發汗。則損陰血。驚動心氣。心氣因驚而虛。則觸動腎氣。發為奔豚。先灸核上。以散寒。次與桂枝加桂湯。以泄奔豚之氣。所加之桂。當用肉桂。為是。

桂枝三兩

芍藥六兩

甘草二兩

生薑三兩

大棗十二枚

右五味以水七升。微火煮。取三升。去滓。適寒溫服。

一升

桂枝加大黃湯

桂枝三兩

芍藥三兩

甘草二兩

生薑三兩

大棗十二枚

大黃一兩

右六味以水七升煮取三升去滓溫服一升日三服

桂枝加厚朴杏仁湯

桂枝 三兩

芍藥 三兩

甘草 二兩

生薑 三兩

大棗 十二枚

厚朴 三兩

杏仁 五十個

右七味以水七升微火煮取三升去滓適寒溫服一升若一服汗出病差停後服

太陽病誤下微喘脈促宜用此湯若陽明病誤下微喘胸膈不快者又屬小陷胸證矣

新加湯

正下方

南京中医药大学图书馆藏

桂枝 三兩

芍藥 四兩
酒洗

甘草 二兩
炙

生薑 四兩
切

大棗 十二枚
擘

人參 三兩

右六味以水七升微火煮取三升去滓適寒溫服一升

此因發汗後津液驟傷非真陽虧之比故宜和營藥中加入人參以助津氣也

桂枝去桂加茯苓白朮湯

芍藥 二兩
酒洗

甘草 二兩
炙

生薑 三兩
切

大棗 十二枚
擘

茯苓 三兩

白朮 三兩

右六味以水七升微火煮取三升去滓適寒溫服一升若小便利則愈



桂枝去芍藥湯

桂枝 三兩

甘草 二兩

生薑 三兩

大棗 十二枚

右四味以水七升微火煮取三升去滓適寒溫服一升

桂枝去芍藥加附子湯

桂枝 三兩

甘草 二兩

生薑 三兩

大棗 十二枚

附子 一枚 破八片

右五味以水七升微火煮取三升去滓適寒溫服一升若一服惡寒止停後服

桂枝加附子湯

桂枝 三兩

芍藥 三兩
酒洗

甘草 二兩
炙

生薑 三兩
切

大棗 十二枚
擘

附子 一枚
炮去

右六味以水七升微火煮取三升去滓適寒溫服

一升若一服汗止停後服

桂枝甘草湯

桂枝 四兩

甘草 二兩
炙

右二味以水三升煮取一升去滓頓服

救逆湯

桂枝 三兩

甘草 二兩
炙

生薑 三兩
切

大棗 十二枚
擘

蜀漆 三兩
洗去腥

白龍骨 四兩
熬

牡蠣 五兩
熬

右爲末以水一斗二升先煮蜀漆減二升內諸藥煮取三升去滓溫服一升

桂枝甘草龍骨牡蠣湯

桂枝 一兩

甘草 二兩

龍骨 二兩 熬

牡蠣 二兩 熬

右爲末以水五升煮取二升半去滓溫服八合日

三服

桂枝麻黃各半湯

桂枝 一兩 十

芍藥 酒洗

甘草 炙

生薑 一兩 切各

大棗 四枚 擘

麻黃 一兩 去節

杏仁 二十四個 湯浸去皮及兩仁者

右七味以水五升先煮麻黃一二沸去土沫內諸藥煮取一升八合去滓溫服六合

桂枝二麻黃一湯

桂枝 一兩十銖

芍藥 一兩六銖酒洗

甘草 一兩二銖炙

生薑 一兩六銖切

大棗 五枚擘

麻黃 十六銖去節

杏仁 十六個去皮尖

右七味以水五升先煮麻黃一二沸去上沫內諸藥煮取二升去滓溫服一升日再服

桂枝二越婢一湯

桂枝

芍藥 酒洗

甘草 炙各十銖

生薑 二兩二銖

大棗 四枚擘

麻黃 十八銖去節

石膏

二十四銖
碎錦裏

右七味咬咀以水五升先煮麻黃一二沸去上沫
內諸藥煮取二升去滓溫服一升

此湯與各半證治相類方亦相類但彼以不得小
汗而面熱身癢故減小桂枝湯之製而加麻黃杏
仁此以胃熱無津而不能作汗故減小大青龍之
製去杏仁而加石膏以杏仁下氣走表非無津者
所宜石膏辛涼化熱正胃熱者所喜爾

當歸四逆湯

當歸 三兩

桂枝 三兩

芍藥 三兩
酒洗

細辛 二兩

甘草 二兩
炙

通草 二兩

大棗 二十五枚擘

右七味以水八升煮取三升去滓温服一升日三服

當歸四逆加吳茱萸生薑湯

當歸 三兩 桂枝 三兩

芍藥 三兩酒洗

細辛 二兩 甘草 二兩炙

通草 二兩

大棗 二十五枚擘 吳茱萸 二升去閉者泡 生薑 半斤切

右九味以水六升清酒六升和煮取五升去滓温分五服

茯苓桂枝白朮甘草湯

茯苓 四兩 桂枝 三兩 白朮 二兩

甘草二兩

右四味以水六升煮取三升去滓分溫三服

茯苓桂枝甘草大棗湯

茯苓半觔

桂枝四兩

甘草二兩

大棗十五枚

右四味以甘瀾水一斗先煮茯苓減二升內諸藥煮取三升去滓溫服一升日三服作甘瀾水法取水二斗置大盆內以杓揚之水上有珠子五六千顆相逐取用之

汗後餘邪挾北方邪水爲患故取桂枝湯中之二以和營五苓散中之一以利水作甘瀾水者取其

傷寒經論
卷一
流利不助腎邪也。

茯苓甘草湯

桂枝二兩

茯苓二兩

甘草炙一兩

生薑切三兩

右四味以水四升煮取二升去滓分溫三服

炙甘草湯 一名復脈湯

甘草炙四兩

桂枝三兩

人參二兩

生地黃一觔

麥門冬半升 去心

麻子仁半升

阿膠二兩

生薑切三兩

大棗十二枚 擘

右九味以清酒七升水八升先煮八味取三升去

滓內膠烱消盡溫服一升日三服